

漢魏叢書

載藉

華陽國志

卷一
之五

晉常璩

著

第九十三冊

華陽國志引

先王之制自二十五所考察旌其潛德隱行等而上之或月書其學行或女之行多德日益卑此能褒惡其吏無不與知之者焉漢魏以還井地廢而王政闕然猶時有所考察旌勸而州都中正之職尚修於群國鄉閭士女之行多見於史官隋唐急事緩政此制遂廢而不舉潛德隱行非野史紀述則悉無見於時民日益漓俗日益卑此有志之士所爲歎惜也晉常璩作華陽國志於一方人物丁寧反覆如恐有遺雖

蠻髦之民并曰之婦苟有可紀皆著於書且云得之
陳壽所爲者舊傳按壽嘗爲郡中正故能著述若此
之詳自先漢至晉初踰四百歲士女可書者四百人
亦可謂衆矣復至晉初至于周顯德僅七百歲而史
所紀者無幾人忠寬義骨與塵埃野馬同沒於丘原
者蓋亦多矣豈不重可歎惜哉此書雖繁富不及承
祚之精微然議論忠篤樂道人之善蜀記之可觀末
有過於此者鑠行於世庶有益於風教云宋元豐戊

中秋日呂大防微仲撰

華陽國志目錄

卷一

巴志

卷二

漢中志

卷三

蜀志

卷四

南中志

卷五

公孫述劉二牧志

卷六

劉先主志

卷七

劉後主志

卷八

大同志

卷九

李特雄壽勢志

卷十上

此下三卷從影宋抄本增改

先賢士女總讚

卷十中

廣漢士女總讚

卷十下

漢中士女總讚

卷十一

後賢志

卷十二

序志

華陽國志目錄終

華陽國志卷第一

巴志

昔在唐堯洪水滔天鯀功無成聖禹嗣興導江疏河
百川蠲脩封殖天下因古九圉以置九州仰稟參伐
俯壤華陽黑水江漢爲梁州厥土青黎厥田惟下上
厥賦惟下中厥貢璆鐵銀鏤砮磬熊羆狐狸織皮於
是四與旣宅九州攸同六府孔脩庶土交正底登財
賦成貢中國蓋時雍之化東被西斬矣歷夏殷周九
州牧伯率職周文爲伯西有九國及武王克商并徐

合青省梁合雍而職方氏猶掌其地辨其土壤甄其
貨利起於秦帝漢興高祖藉之成業乃改雍曰涼
梁曰益故巴漢庸蜀屬益州至魏咸熙元年平蜀始
分益州巴漢七郡置梁州治漢中以相國參軍中山
耿楠爲刺史元康六年廣漢益州更割雍州之武都
陰平荊州之新城上庸魏興以屬焉凡統郡一十一
縣五十八洛書曰人皇始出繼地皇之後兄弟九人
分理九州爲九囿人皇居中州制八輔華陽之壤梁
岷之域是其一囿囿中之國則巴蜀矣其分野與鬼

東井其君上世未聞五帝以來黃帝高陽之文庶世
爲侯伯及禹治水命州巴蜀以屬梁州禹娶於塗山
辛壬癸甲而去生子啓呱呱啼不及視三過其門而
不入室務在救時今江州塗山是也帝禹之廟銘存
焉會諸侯於會稽執玉帛者萬國巴蜀往焉周武王
伐紂實得巴蜀之師著乎尚書巴師勇銳歌舞以凌
殷人前徒倒戈故世稱之曰武王伐紂前歌後舞也武王
旣克殷以其宗姬封於巴爵之以子古者遠國雖大爵
不過子故吳楚及巴皆曰子其地東至魚復西至瞿

道北接漢中南極黔涪土植五穀牲具六畜桑蠶麻
紵魚鹽銅鐵丹漆茶蜜靈龜巨犀山雞白雉黃潤鮮
粉皆納貢之其果實之珍者樹有荔支蔓有辛蒟園
有芳蒟香茗給客橙葵其藥物之異者有巴戟天椒
竹木之瑱者有桃支靈壽其名山有塗籍靈臺石書
刊山其民質直好義土風敦厚有先民之流故其詩
曰川崖惟平其稼多黍旨酒嘉穀可以養父野惟阜
丘彼稷多有嘉穀旨酒可以養母其祭祀之詩曰惟
月孟春獺祭彼崖永言孝思享祀孔嘉彼黍旣潔彼

儀惟澤蒸命良辰祖考來格其好古樂道之詩曰日
月明明亦惟其名誰能長生不朽難獲又曰惟德實
寶富貴何常我思古人令問令望而其失在於重遲
魯鈍俗素樸無造次辨麗之氣其屬有濮賓苴共奴
獫夷蜚之蠻周之仲世雖奉王職與秦楚鄧爲比春
秋魯桓公九年巴子使韓服告楚請與鄧爲好楚子
使道朔將巴客聘鄧鄧南郢攻而奪其幣巴子怒伐
鄧敗之其後巴師楚師伐申楚子驚巴師魯莊公十
八年巴伐楚克之魯文公十六年巴與秦楚共滅庸

哀公十八年巴人伐楚敗於鄆是後楚主夏盟秦擅
西土巴國分遠故於盟會希與戰國時嘗與楚婚及
七國稱王巴亦稱王周之季世巴國有亂將軍有蔓子
請師於楚許以三城楚王救巴巴國既寧楚使請城
蔓子曰藉楚之靈克弭禍難誠許楚王城將吾頭往
謝之城不可得也乃自刎以頭授楚使王歎曰使吾
得臣若巴蔓子用城何爲乃以上卿禮葬其頭巴國
葬其身亦以上卿禮周顯王時楚國衰弱秦惠文王
與巴蜀爲好蜀王弟苴私親於巴巴蜀世戰爭周慎

王五年蜀王伐苴侯苴侯奔巴巴爲求救於秦秦惠
文王遣張儀司馬錯救苴巴遂伐蜀滅之儀貪巴道
之富因取巴執王以歸置巴蜀及漢中郡分其地爲
二縣儀城江州司馬錯自巴涪水取楚商於之地爲
黔中郡秦昭襄王時白虎爲害自秦蜀巴漢患之秦
王乃重募國中有能煞虎者邑萬家金帛稱之於是
夷胸忍廖仲藥何射虎秦精等乃作白竹弩於高樓
上射虎中頭三節白虎常從羣虎瞋恚盡搏煞羣虎
大吻而死秦王嘉之白虎歷四郡害千二百人一朝

患除功莫大焉欲如約王嫌其夷人乃刻石爲盟要
復夷人頃田不租十妻不筭傷人者論煞人雇死倮
錢倮蠻夷盟曰秦犯夷輸黃龍一雙夷犯秦輸清酒
贖罪貨

一鍾夷人安之漢興亦從高祖定亂有功高祖因復
之專以射白虎爲事戶歲出賓錢口四十故世號白
虎復夷一曰板楯蠻今所謂弼頭虎子者也漢高帝
滅秦爲漢王王巴蜀閬中人范目有恩信方畧知帝
必定天下說帝爲募發賓民要與共定秦秦地旣定
封目爲長安建章鄉侯帝將討關東賓民皆思歸帝

嘉其功而難傷其意遂聽還巴謂曰富貴不歸故鄉如衣繡夜行耳徙封閬中慈鄉侯曰固辭乃封渡馮縣侯故世謂三秦亡范三侯也曰復除民羅朴咎鄂度夕龔七姓不供相賦閬中有渝水實民多居水左右天惟勁勇初爲漢前鋒陷陣銳氣喜舞帝善之曰此武王伐紂之歌也乃令樂人習學之今所謂巴渝舞也天下既定高帝乃分巴置廣漢郡孝武帝又兩割置犍爲郡故世曰分巴割蜀以成犍廣也自時厥後五教雍和茂秀挺逸英偉旣多而風謡有作故

朝廷有忠貞盡節之臣鄉黨有主文歌詠之音巴郡
譙君黃仕成哀之世爲諫議大夫數進忠言後違避
王莽又不事公孫述述怒遣使齎藥酒以懼之君黃
笑曰五不省藥平其子瑛納錢八百萬得免國人作
詩曰肅肅清節士執德寔固貞違惡以授命後世遺
令聲巴郡陳紀山爲漢司隸校尉嚴明正直西虜獻
眩王庭試之分公卿以爲嬉紀山獨不視京師稱之
巴人歌曰築室載直梁國人以貞貞邪娛不楊曰枉
行不動身姦軌僻乎遠理義協乎民巴郡嚴王思爲